

ZLATKO MILETIĆ
Dom naroda Parlamentarne skupštine BiH
Klub izaslanika hrvatskog naroda

Sarajevo, 23.10.2020. godine

PARLAMENTARNA SKUPŠTINA BIH
DOM NARODA
n/r: g. Nikola Špirić, predsjedatelj

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 23.10.2020

Organizaciona jedinica	Klasifikaciona oznaka	Redni broj	Broj priloga
02-50-6		2078	1

Na osnovu člana/članka 9. Poslovnika o radu Doma naroda Parlamentarne skupštine Bosne i Hercegovine („Službeni glasnik BiH“, br.58/14, 88/15 i 96/15) podnosim sljedeću

INICIJATIVU

Nalaže se Vijeću ministara Bosne i Hercegovine da na osnovu člana/članka 7. Zakona o plaćama i naknadama u institucijama Bosne i Hercegovine („Službeni glasnik BiH“, br.50/08, 35/09, 75/09, 32/12, 42/12, 50/12, 32/13, 87/13, 75/15, 88/15, 16/16, 94/16, 72/17 i 25/18) i člana/članka 17. Zakona o Vijeću ministara („Službeni glasnik BiH“, 30/03, 42/03, 81/06, 76/07, 81/07, 94/07 i 24/08);

- donese Odluku o visini osnovice za obračun plaće uposlenim u institucijama Bosne i Hercegovine za 2021.godinu (minimalan iznos od 535,50 KM koliko je iznosila prije prvog smanjenja 2008.godine),
- da uspostavi ekonomski i socijalni dijalog sa Sindikatima u institucijama Bosne i Hercegovine i potpiše Kolektivni ugovor sa Sindikatima,
- da u skladu sa članom/člankom 9. Zakona o štrajku u institucijama Bosne i Hercegovine u neposrednim pregovorima sa Sindikatima poduzmu hitne mjere kako bi postavljene zahtjeve riješili sporazumno na obostrano zadovoljstvo i korist, kako bi se popravio egzistencijalni status zaposlenih u institucijama Bosne i Hercegovine.

OBRAZLOŽENJE

Imajući u vidu činjenicu da Vijeće ministara Bosne i Hercegovine kao poslodavac, nakon svih napora Sindikata institucija BiH i poduzetih svih mogućih pravnih aktivnosti (od 2008.godine) za poboljšanje radno-pravnog statusa

zaposlenih u institucijama BiH, nije adekvatno reagiralo, ovim putem pismeno i javno zahtjevam od Vijeća ministara BiH da konačno gore navedenim mjerama riješi ekonomsko socijalni status zaposlenih u institucijama Bosne i Hercegovine i da konačno da odgovore na zahtjeve Sindikata (navesti ću samo nekoliko akata upućenih Vijeću ministara Bosne i Hercegovine i Ministarstvu finansija i trezora, pa i Predsjedništvu i Parlamentarnoj skupštini Bosne i Hercegovine) od 26.06.2020.g., 09.10.2020.g., 14.10.2020.g. i posljednji akt od 16.10.2020.g. akt Pismene najave štrajka Sindikata državnih službenika i zaposlenih u institucijama Bosne i Hercegovine.

Sagledavajući razloge i činjenice iz finansijske krize iz 2008.g. i razloge za smanjene osnovice plaća zaposlenih za 23 KM (uključujući sve nivoe vlasti u Bosni i Hercegovini) koje je trebalo da traje par godina te da se nakon ispunjenja uslova vrijednost osnovice vrati na prvobitno stanje, to jedino nikad nije urađeno u institucijama Bosne i Hercegovine za razliku od ostalih nivoa vlasti u Bosni i Hercegovini, što predstavlja nekorektan i diskriminirajući odnos prema zaposlenim u institucijama BiH. Trenutni omjer u plaćama izabranih i imenovanih osoba i najslabije plaćenih zaposlenika u institucijama je ne stvarnih i sramotnih 1 : 10, što je najvjerojatnije i najveći omjer u nekoj državnoj instituciji u Jugoistočnoj Evropi. Ovakav odnos nadležnih institucija, Parlamentarne skupštine, Predsjedništva i Vijeća ministara Bosne i Hercegovine, prema vlastitim zaposlenicima, pogotovu imajući u vidu uvjete rada u toku trajanja pandemije corona virusa COVID 19, je doveo, do još jednog apsurdna, da zaposleni na svim nivoima vlasti u Bosni i Hercegovini su daleko po plaćama i primanjima ispred zaposlenih u državnim institucijama i to za iznos od 20 do 30%.

U vezi sa svim navedenim zahtjevam, da se obaveže Vijeće ministara Bosne i Hercegovine da što prije a najkasnije do kraja kalendarske 2020. godine, donese Odluku o visini osnovice za obračun plaće zaposlenih u institucijama Bosne i Hercegovine za 2021.godinu - minimalan iznos od 535,50 KM, da odmah bez odlaganja kroz ekonomski i socijalni dijalog sa sindikatima u institucijama Bosne i Hercegovine potpiše Kolektivni ugovor sa sindikatima, osigura implementaciju istog kroz Izmjene i dopune Zakona o plaćama i naknadama institucijama BiH te na taj način neposrednim pregovorima sa Sindikatom, postavljene zahtjeve riješe sporazumno bez odlaganja na obostrano zadovoljstvo i korist kako bi se popravio egzistencijalni status zaposlenih u institucijama Bosne i Hercegovine.

S poštovanjem,

ZLATKO MILETIĆ



Prilog: Tabele i grafički prikazi osnovnih podataka iz informacije

Tabela 1. Uporedni pregled platnih razreda i plaća za

	Osnovica: 475,69	Osnovica: 330	Osnovica: 92			
	BiH		FBiH		RS	
Naziv radnog mjesta	Koeficijent za obračun plaće	Iznos osnovne plate (KM)	Koeficijent za obračun plaće	Iznos osnovne plate (KM)	Koeficijent za obračun plaće	Iznos osnovne plate (KM)
1	2	3	4	5	6	7
direktor	8,20	3.901	6,20	2.046	24,25	2.251
pomoćnik direktora	5,51	2.621	5,70	1.881	23,15	2.130
šef kabineta	4,20	1.998				
načelnik odjeljenja, šef odsjeka	3,55	1.689	4,60	1.518	19,80	1.822
šef grupe	3,25	1.546	4,50	1.485	16,45	1.513
Entitetski inspektor			4,30	1.419	15,35	1.412
stručni savjetnik	2,73	1.299	4,10	1.353		
viši stručni saradnik	2,35	1.118	3,90	1.287	14,25	1.300
stručni saradnik	2,10	999	3,70	1.221		
samostalni referent	1,70	809	3,10	1.023	9,80	905
referent specijalist SSS	1,60	761	2,80	924	7,60	699
viši referent SSS	1,40	666	2,70	891	7,60	695
referent SSS	1,29	614	2,60	858		
referent	1,12	533				
referent NSS - higijeničar	1,00	476	1,85	611	4,50	476